

ISSN 2181-9416
Doi Journal 10.26739/2181-9416

ЮРИСТ АХБОРОТНОМАСИ

2 СОН, 1 ЖИЛД

ВЕСТНИК ЮРИСТА

НОМЕР 2, ВЫПУСК 1

LAWYER HERALD

VOLUME 2, ISSUE 1



TOSHKENT-2021

**ДАВЛАТ ВА ҲУҚУҚ НАЗАРИЯСИ ВА ТАРИХИ.
ҲУҚУҚИЙ ТАЪЛИМОТЛАР ТАРИХИ**

1. МАЛИКОВА Гульчехра Рихсиходжаевна	
В 100 ЛЕТ ЖИЗНЬ ТОЛЬКО НАЧИНАЕТСЯ ИЛИ ИСТОРИЯ РАЗВИТИЯ ЮРИДИЧЕСКОГО ОБРАЗОВАНИЯ В УЗБЕКИСТАНЕ (1920-1928)	8

**ФУҚАРОЛИК ҲУҚУҚИ. МЕҲНАТ ҲУҚУҚИ. БИЗНЕС ҲУҚУҚИ.
ИЖТИМОИЙ ТАЪМИНОТ ҲУҚУҚИ**

2. ТОПИЛДИЕВ Вохиджон Рахимжонович, ДЖАМБАКИЕВА Феруза Бахтахуновна	
ВОСИТАЧИЛИК ШАРТНОМАСИНИ БУЗГАНЛИК УЧУН ФУҚАРОЛИК ҲУҚУҚИЙ ЖАВОБГАРЛИК.....	24
3. БАБАКУЛОВ Зафар Курбонназарович	
ТОВАР БЕЛГИСИДАН ФОЙДАЛАНИШДА ФУҚАРОЛИК-ҲУҚУҚИЙ	32
ЖАВОБГАРЛИК МАСАЛАЛАРИ	32
4. РАХМАТОВ Анвар Исломович	
СПОРТ ТАШКИЛОТЛАРИНИНГ ШАРТНОМАВИЙ МАЖБУРИЯТЛАРИ	40
5. ХАСАНОВА Фарангис Акрамовна	
ФУҚАРОЛИК-ҲУҚУҚИЙ ЖАВОБГАРЛИК ТУШУНЧАСИ ВА БЕЛГИЛАРИ.....	48
6. МИРСОАТОВ Хабибулла Қудратуллаевич	
МЕҲНАТ ҲУҚУҚЛАРИНИ ҲИМОЯ ҚИЛИШДА ПРОКУРОР НАЗОРАТИ ИНСТИТУТИНИ ТАКОМИЛЛАШТИРИШ МАСАЛАЛАРИ	53
7. ХАМДАМОВА Фирюза Уразалиевна	
КОДИФИКАЦИЯ ПРЕДПРИНИМАТЕЛЬСКОГО ЗАКОНОДАТЕЛЬСТВА: ТЕНДЕНЦИИ И ПЕРСПЕКТИВЫ	59

**ЖИНОЯТ ҲУҚУҚИ, ҲУҚУҚБУЗАРЛИКЛАРНИНГ ОЛДИНИ ОЛИШ.
КРИМИНОЛОГИЯ. ЖИНОЯТ-ИЖРОИЯ ҲУҚУҚИ**

8. ИСМОИЛОВ Олимжон Юсупжон ўғли	
ЛАТЕНТ ЖИНОЯТЧИЛИК: ТУШУНЧАСИ ВА ТАСНИФИЙ ХУСУСИЯТЛАРИ.....	65
9. РАХИМОВ Камолиддин Мухамаджонович	
ЙЎЛ ҲАРАКАТИ ХАВФСИЗЛИГИНИ ТАЪМИНЛАШНИНГ ҲУҚУҚИЙ АСОСЛАРИ	71

**ЖИНОЯТ ПРОЦЕССИ. КРИМИНАЛИСТИКА,
ТЕЗКОР-ҚИДИРУВ ҲУҚУҚ ВА СУД ЭКСПЕРТИЗАСИ**

10. КАРИМОВА Дилрабо Эргашевна	
СОВЕРШЕНСТВОВАНИЕ ВЗАИМОДЕЙСТВИЯ ОРГАНОВ ДОСУДЕБНОГО ПРОИЗВОДСТВА В УСЛОВИЯХ РАЗВИТИЯ ЦИФРОВЫХ ТЕХНОЛОГИЙ.....	80
11. РУЗМЕТОВ Ботиржон Хайитбаевич	
СУЩНОСТЬ ДОКАЗАТЕЛЬСТВ И ФУНКЦИИ ИНСТИТУТА СЛЕДСТВЕННЫХ ДЕЙСТВИЙ В УГОЛОВНОМ ПРОЦЕССЕ РЕСПУБЛИКИ УЗБЕКИСТАН	86
12. БАЙБЕКОВА Машхура Бурибаевна	
ЭКСПЕРТИЗА ТАДҚИҚОТЛАРИ СИФАТИНИ ОШИРИШ БЎЙИЧА АЙРИМ ФИКРЛАР	97
13. ТОШЕВА Динара Музрафовна	
СУД-ЭКСПЕРТИЗА ЛАБОРАТОРИЯЛАРИДА ПРОФЕССИОНАЛ ТЕСТ ТЕКШИРУВЛАРИ ВА ЛАБОРАТОРИЯЛАРАРО СОЛИШТИРМА ТЕКШИРУВЛАРНИ ЎТКАЗИШ	102

ХАЛҚАРО ҲУҚУҚ ВА ИНСОН ҲУҚУҚЛАРИ

14. УМАРХАНОВА Дилдора Шарипхановна ЖИНОЯТ ИШЛАРИ БҮЙИЧА ХАЛҚАРО ҲАМКОРЛИК МЕХАНИЗМИНИНГ ХАЛҚАРО-ҲУҚУҚИЙ АСОСЛАРИ ТАҲЛИЛИ	110
15. YULDASHEVA Govkherjan COMPARATIVE ANALYSIS OF LEGAL REGULATION AND PECULIARITIES OF THE INSTITUTE OF HONORARY CONSULS AT THE PRESENT STAGE.....	120
16. ТУРСУНОВА Маликахон Улугбековна СУЩНОСТЬ И СОДЕРЖАНИЕ ДИПЛОМАТИЧЕСКОЙ СЛУЖБЫ И ДИПЛОМАТИЧЕСКОГО ПРАВА НА СОВРЕМЕННОМ ЭТАПЕ	129
17. ГУЛИМОВ Аманлық Базарбаевич ПРАВО ЖИТЕЛЕЙ ПРИАРАЛЬЯ НА БЛАГОПРИЯТНУЮ ОКРУЖАЮЩУЮ СРЕДУ	136
18. РАХМАНОВ Шухрат Наимович ПРЕДСТАВИТЕЛЬСТВА ГОСУДАРСТВ ПРИ МЕЖДУНАРОДНЫХ ОРГАНИЗАЦИЙ КАК ЦЕНТРАЛЬНЫЙ ДВУЕДИНЫЙ ИНСТИТУТ ДИПЛОМАТИЧЕСКОГО ПРАВА МЕЖДУНАРОДНЫХ ОРГАНИЗАЦИЙ	143

ҲУҚУҚИЙ АМАЛИЁТ ВА ХОРИЖИЙ ТАЖРИБА

19. ИСОҚОВ Луқмонжон Холбоевич ОЗАРБАЙЖОН РЕСПУБЛИКАСИДА МИГРАЦИЯ СОҲАСИДАГИ ДАВЛАТ БОШҚАРУВИНИНГ ЎЗИГА ХОС ХУСУСИЯТЛАРИ	151
20. МАҲМУДХОДЖАЕВА Умида Муминовна ИЧКИ ИШЛАР ОРГАНЛАРИ ТОМОНИДАН ҲАҚ ЭВАЗИГА ХИЗМАТ КЎРСАТИШ СОҲАСИДА ҲУҚУҚНИ ҚЎЛЛАШ АМАЛИЁТИНИ ТАКОМИЛЛАШТИРИШ МАСАЛАЛАРИ	161
21. АМИНОВ Умид Шарипович ПОНЯТИЕ И ОБЩАЯ ХАРАКТЕРИСТИКА ЮРИДИЧЕСКОЙ БЕЗОПАСНОСТИ.....	168

ЁШ ОЛИМЛАР МИНБАРИ

22. ФАЙБУЛЛАЕВА Зилола Файбулло қизи ИЖТИМОИЙ ТАРМОҚЛАР ОРҚАЛИ АМАЛГА ОШИРИЛАЁТГАН ХАРИДЛАР ВА ЭЛЕКТРОН ШАРТНОМАЛАРНИ ТАРТИБГА СОЛИШ.....	172
23. ХОЖИЕВА Рўзигул Худайбердиевна ДАВЛАТ ХАРИДЛАРИ СОҲАСИДА ЮЗАГА КЕЛАДИГАН КОРРУПЦИЯВИЙ ҲОЛАТЛАР ВА УЛАРНИНГ ОЛДИНИ ОЛИШ МАСАЛАЛАРИ	179
24. ТОШЕВ Зафар Бобоқулович МУАЛЛИФЛИК ҲУҚУҚИНИ ЖИНОЙ-ҲУҚУҚИЙ МУҲОФАЗА ҚИЛИШ МУАММОЛАРИ ВА ИСТИҚБОЛЛАРИ	185

ЮРИСТ АХБОРОТНОМАСИ ВЕСТНИК ЮРИСТА LAWYER HERALD

**ФУҚАРОЛИК ҲУҚУҚИ. МЕҲНАТ ҲУҚУҚИ. БИЗНЕС ҲУҚУҚИ.
ИЖТИМОИЙ ТАЪМИНОТ ҲУҚУҚИ**

ТОПИЛДИЕВ Воҳиджон Рахимжонович

Ўзбекистон миллий университети «Фуқаролик жамияти ва ҳуқуқ таълими» кафедраси профессори, юридик фанлар номзоди
E-mail: vtopildiev@mail.ru

ДЖАМБАКИЕВА Ферузза Баҳтахуновна

Ўзбекистон миллий университети «Фуқаролик жамияти ва ҳуқуқ таълими» кафедраси ўқитувчиси
E-mail: feruzauzmu86@mail.ru

ВОСИТАЧИЛИК ШАРТНОМАСИНИ БУЗГАНЛИК УЧУН ФУҚАРОЛИК ҲУҚУҚИЙ ЖАВОБГАРЛИК

**For citation (иқтибос келтириш учун, для цитирования): ТОПИЛДИЕВ В.Р, ДЖАМБАКИЕВА Ф.Б.
ВОСИТАЧИЛИК ШАРТНОМАСИНИ БУЗГАНЛИК УЧУН ФУҚАРОЛИК ҲУҚУҚИЙ ЖАВОБГАРЛИК
// Юрист ахборотномаси – Вестник юриста – Lawyer herald. № 2 (2021), Б. 24-31.**



2 (2021) DOI <http://dx.doi.org/10.26739/2181-9416-2021-2-2>

АННОТАЦИЯ

Мазкур мақолада муаллифлар воситачилик шартномаси фуқаролик муюмаласида кенг кўлланиладиган шартнома турларидан бири эканлигини таъкидлаган ҳолда воситачилик шартномаси конструкцияларини савдо фаолиятида кўлланилиши тадбиркорлар томонидан ўз маҳсулотини ишлаб чиқариш ва сотиш билан боғлиқ бир қатор чиқимларни камайтириш учун профессионал воситачилар ёрдамида фойдаланган ҳолда ҳал этишлари ва воситачилик шартномаси шартларини бузганлик учун фуқаролик-ҳуқуқий жавобгарлик масаларини назарий ва амалий жиҳатдан ёритиб беришган. Шунингдек, мақолада воситачилик шартномасини янада такомиллаштириш, қонун хужжатларига қўшимча ва ўзгартиришлар киритиш борасида таклиф ва тавсиялар илгари сурилган.

Калит сўзлар: Воситачилик, воситачилик шартномаси, воситачининг жавобгарлиги, савдо фаолияти, комитет, учинчи шахс, товарлар етказиб бериш, иш бажариш, хизмат кўрсатиши.

ТОПИЛДИЕВ Воҳиджон Рахимжонович

Профессор кафедры «Гражданское общество и правовое образование» Национального университета Узбекистана, кандидат юридических наук
E-mail: vtopildiev@mail.ru

ДЖАМБАКИЕВА Ферузза Баҳтахуновна

Преподаватель кафедры «Гражданское общество и правовое образование» Национального университета Узбекистана
E-mail: feruzauzmu86@mail.ru

ГРАЖДАНСКО-ПРАВОВАЯ ОТВЕТСТВЕННОСТЬ ЗА НАРУШЕНИЕ ДОГОВОРА КОМИССИИ

АННОТАЦИЯ

В данной статье авторы подчеркивают, что договор комиссии является одним из наиболее распространенным видом договора в гражданско-правовом отношении, его применение в коммерческой деятельности теоретически и практически охватывает вопросы гражданской ответственности за нарушения договора комиссии со стороны предпринимателей и использование профессиональных посредников для снижения ряда затрат, связанных с производством и продажей их продукции. Кроме этого, в статье представлены предложения и рекомендации по дальнейшему совершенствованию договора комиссии, и внесение изменений и дополнений в законодательство.

Ключевые слова: Посредничество, договор комиссии, посредническая ответственность, коммерческая деятельность, комитент, третье лицо, доставка товаров, выполнение работ, оказание услуг.

TOPILDIEV Vokhidjon

Professor of department «Civil society and legal education» of the

National University of Uzbekistan, Candidate of legal sciences

E-mail: vtopildiev@mail.ru

DJAMBAKIEVA Feruza Bakhtaxunovna

Lecturer of department «Civil society and legal education»

of the National University of Uzbekistan

E-mail: feruauzmu86@mail.ru

CIVIL LIABILITY FOR VIOLATION OF THE COMMISSION AGREEMENT

ANNOTATION

In this article, the author emphasize that the commission agreement is one of the most common types of agreements in civil law relations, its application in commercial activities theoretically and practically covered the issues of civil liability for violations by entrepreneurs through professional intermediaries to reduce a number of costs associated with production and selling their products. And also the article presents proposals and recommendations for the further improvement of intermediary agreements, and amendments and additions to the legislation.

Keywords: Mediation, commission agreement, mediation liability, commercial activity, principal, third party, delivery of goods, performance of work, provision of services.

Фуқаролик қонунчилигини бозор иқтисодиёти тамойиллари ва халқаро стандартларга мувоғик модернизация килиш, мамлакатимизда иқтисодий ислоҳотларни янада чукурлаштириш ва бозор иқтисодиётини ривожлантириш учун замонавий фуқаролик-хуқуқий асос яратиш, шунингдек 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида иқтисодиётни либераллаштириш, иқтисодий муносабатларни тартибга солишда давлат иштирокини камайтириш, хусусий мулк кафолатлари ҳимоясини кучайтириш, тадбиркорлик ривожини рағбатлантириш ва хорижий инвестицияларни фаол жорий этиш заруратини юзага келтирмоқда.

Ўзбекистон Республикаси Президентининг 2019 йил 5 апрелдаги ПФ-5464-сон Фармойиши [1] асосида тасдиқланган Ўзбекистон Республикасининг Фуқаролик қонунчилигини такомиллаштириш концепциясида фуқаролик хуқуқий муносабатлар иштироқчиларининг хуқуқлари ва қонуний манфаатларини самарали ҳимоя килишга тўсқинлик қилувчи фуқаролик қонунчилигидаги хуқуқий бўшлиқлар ва коллизияларни бартараф этиш вазифалари белгилаб қўйилган. Ушбу вазифаларни амалга ошириш муайян даражада шартномавий-хуқуқий муносабатларнинг сифат жиҳатдан янги механизмларини жорий қилиш, шу жумладан шартнома

турларини оптималлаштириш, дастлабки шартнома институтини ривожлантириш, шартнома тузиш эркинлигини кенгайтириш, шартномавий муносабатларнинг барқарорлигини таъминлаш, шартномавий муносабатларда ахборот-коммуникацион технологиялардан фойдаланишни тартибга солишини янада такомиллаштириш зарурлигидан далолат беради.

Бозор муносабатлари шароитида фуқаролик ҳуқуқий шартномаларнинг турлари, уларнинг кўлланиш соҳаси ва ижтимоий-иктисодий функцияси кенгайиб бориши натижасида, шартномалар иктисодий муомала иштирокчилариг товарлар етказиб бериш, иш бажариш ва хизмат кўрсатиш муносабатларининг асосий ҳуқуқий воситасига айланди. Бу ҳолат аввало қонун хужжатларида шартномаларга нисбатан ва уни тузувчи тарафларга нисбатан кенг эркинлик ва имтиёзлар берилиши билан боғлиқ. Хусусан, Фуқаролик кодексининг 1-моддасида шартномалар эркинлиги, хусусий ишларга ўзбошимчалик билан аралashiшга йўл кўйилмаслиги, фуқаролик ҳуқуқларини тўсқинликсиз амалга оширилиши каби асосий негизларнинг белгиланиши фуқаролик муомласида шартномаларнинг аҳамиятини ва уларга бўлган талабларнинг ошишига олиб келди.

Маълумки, фуқаролик ҳуқуқий шартномалар тизимида хизмат кўрсатиш шартномалари алоҳида ўрин тутади. Бинобарин бозор муносабатлари шароитида субъектларга берилган имкониятлар, фан ва техниканинг ривожланиши бугунги кунда хизмат турларининг ортиб, кенгайиб боришига замин яратмоқда. Бу ҳолатни Бутунжаҳон Савдо Ташкилотининг «Хизматлар савдоси бўйича Бош келишуви»да бир неча юзлаб хизмат турлари белгиланлигидан ҳам кўриш мумкин [2, Б.89]. Т.Мўминовнинг фикрича, фан ва техниканинг жадал ривожланиши натижасида инсоннинг моддий ва маънавий эҳтиёжларини қондиришга қаратилган янги техник воситалар ва ускуналар яратилиши янгидан янги хизмат турларини вужудга келтириш билан бирга, хизмат кўрсатишнинг мавжуд турларини янгича кўриниш ва мазмунга эга бўлишини таъминлади [3, Б.3].

Хизмат кўрсатиш шартномалари тизимида ўзаро ишончга асосланган ва муайян шахслар фойдасига у ёки бу юридик ҳаракатларни амалга оширишга қаратилган шартномалар гурухи мавжудки, бундай шартномалар орасида воситачилик шартномаси алоҳида ўрин тутади.

Бугунги кунда воситачилик шартномаси фуқаролик муомласида кенг кўлланиладиган шартнома турларидан бири сифатида намоён бўлмоқда. Мазкур шартнома иктисолиётнинг кенг тармоқларини жумладан, мамлакат ички ва ташқи савдо муносабатларида, товарлар ва қимматли қоғозлар биржа савдосида, юқ ташиш, ҳақ эвазига хизмат кўрсатиш, туризм хизмати кўрсатиш ва бошқа соҳаларни қамраб олиши мумкин.

Воситачилик шартномаси конструкцияларини савдо фаолиятида қўлланилиши ўз маҳсулотини ишлаб чиқариш ва сотиш билан боғлиқ бир қатор чиқимларни камайтиради, чунки ишлаб чиқарувчилар ўзларининг шахсий савдо фаолиятига ихтисослашган соҳа ходимларига ва уларнинг кенг миқёсдаги ва қиммат нархлардаги маркетинг тадқиқотларини амалга оширишга эҳтиёж сезмаслиги мумкин. Улар ўз товарларини бозорда харидоргирлигини таъминлаш билан боғлиқ муаммоларни профессонал воситачилар ёрдамида ҳал этишлари осон кечади.

Фуқаролик ҳуқуқи субъектлари томонидан воситачилик шартномаларини тузиши уларнинг бир қатор қийинчиликлардан ҳоли қилсада, мазкур шартнома шартларининг бузилиши, улар учун ундан-да кўпроқ муаммо туғдириши мумкин. Шу сабабли шартнома шартларини бузганлик учун жавобгарлик чораларининг такомиллаштирилиши ва бу борадаги ҳуқуқий бўшлиқларни тўлдириш, мавжуд муаммоларни бартараф этиш мақсадида қонунчиликни такомиллаштириш долзарб вазифа саналади.

Воситачилик шартномаси шартларини бузганлик учун жавобгарлик масаласини таҳлил этганда ҳар доим қандай мажбурият бузилгани ва жавобгарлик кимнинг зиммасига юклатилишига алоҳида этибор бериш лозим бўлади.

Ўзбекистон Республикаси Фуқаролик кодексининг 434-моддасида комитетент ҳисобидан учинчи шахс билан тузилган битим учинчи шахс томонидан бажарилмаганлиги учун воситачи комитетент олдида жавобгар бўлмайди, воситачи ушбу шахсни танлашда зарур эҳтиёткорлик килмаган ёки битимнинг бажарилишига кафолат берган (делькредере) ҳоллар бундан мустасно, деб кўрсатиб ўтилган. Мазкур модданинг 5-қисмида воситачи учинчи шахс билан тузган битимни учинчи шахс бажармаган тақдирда, воситачи бу ҳақда дарҳол комитетентга хабар бериши, зарур далил-исботларни тўплаши ва таъминлаши, шунингдек комитетентнинг талабига кўра бундай битим юзасидан ҳуқуқларни талабларни бошқа шахсга ўтказиш тўғрисидаги қоидаларга риоя қилган ҳолда (ФКнинг 313-317, 319, 320-моддалари асосида) унга топшириши шартлиги белгиланган.

Цивилист олимлар О.Иоффе ва Н.Егоровлар мажбуриятларни бузганлик учун жавобгарликни

хукуқбузар учун қўшимча мажбуриятлар юкловчи ёхуд чекланган белгиловчи чора сифатида қарашса, [4, Б.7-8] В.Грибанов, Х.Рахмонқулов жавобгарликни бузилган хукуқларни тикловчи, фуқаролик муомиласи нормал ҳолатига қайтарувчи таъсир чораси сифатида баҳолайди [5, Б.57].

Мажбуриятларни бузганлик учун жавобгарлик асослари ва шартлари тўғрисида ҳам ягона фикр мавжуд эмас. М.Брагинский, В.Витрянскийларнинг фикрича, фуқаролик-хукуқий жавобгарлик асоси бўлиб субъектив фуқаролик хукуқларини бузиш, жавобгарликни қўллаш шартлари бўлиб эса, субъектив хукуқларни бузишни хукуққа хилофлиги, зарарни мавжудлиги, оқибат ва ҳаракат ўртасида сабабий боғланиш, хукуқбузар айби мавжудлиги хисобланади [6, Б.770].

Х.Рахмонқуловнинг фикрича, яхлит хукуқбузарлик таркиби, шартнома мажбуриятлари бузганлик учун жавобгарлик асоси бўлиб қилмишнинг ҳукуққа хилофлиги ва мажбуриятни бузган шахснинг айбининг мавжудлигидаги намоён булади [7, Б.56].

Н.Анваров биржа битимлари топшириқ ва комиссия шартномаларидан ташқари агентлик шартномалари орқали ҳам расмийлаштирилади, деб кўрсатади [8, Б.73]. Бироқ, РТХБ доирасида амал қилувчи намунавий шартномалар конструкцияларида топшириқ шартномаси ва комиссия (воситачилик) шартномалари моделлари белгилаб қўйилган.

Воситачилик шартномаси бўйича воситачининг жавобгарлиги, топшириқ шартномаси бўйича брокернинг жавобгарлиги ва комитетнинг жавобгарлиги, топшириқ шартномаси бўйича мижознинг жавобгарлиги асослари ва ҳажмлари бўйича деярли ўхшаш.

Агар шартнома конструкциялари бўйича тарафлар мажбурияти мазмуни ва ҳажмини мажбуриятларни бузганлик учун жавобгарлик шартлари таҳлил этадиган бўлсак, комиссионернинг 12 та мажбурияти белгилаб қўйилган. Уларнинг фақат 4 тасини бузганлик учун санкциялар ўрнатилган. Комитет зиммасига 9 та мажбурият юклатилган ва 5 хил мажбуриятни бузганлик учун жавобгарлик санкцияси белгиланган. Бу ўринда, Х.Қўлдошев ҳар бир мажбуриятни бузганлик учун маҳсус санкция белгиланиши лозим, деган фикрга қўшилмаслигини таъкидлайди. Сабаб ушбу ҳолатда ФК ва амалдаги қонунларни мажбуриятларни бузганлик учун жавобгарликни белгиловчи қоидалари керак бўлмай қолган бўлар эди. Бироқ, маҳсус норма умумий нормадан устувор, деган қоида ҳам мавжуд, шу сабабли ҳам мажбуриятлар ҳажми билан уни бузганлик учун жавобгарлик чоралари ўртасида муайян мутносиблик бўлиши лозим ва бу ҳолат шартнома шартлари белгилаб қўйилган матнда ўз ифодасини топмоғи лозим [9, Б. 122].

Умумий қоидага мувофиқ, воситачи шартноманинг ҳақиқий эмаслиги учун жавобгар бўлиши мумкин. ФКнинг 434-моддасида комитет ҳисобидан учинчи шахс билан тузилган битим учинчи шахс томонидан бажарилмаганлиги учун воситачи комитет олдида жавобгар бўлмаслиги иккита ҳолатда мавжуд бўлади.

Биринчидан, воситачи ушбу шахсни танлашда зарур эҳтиёткорлик қилмаган бўлса. Масалан, воситачининг тугатиш ёки банкротлик босқичида бўлган тадбиркорлик субъекти билан шартномавий муносабатга киришиши ҳолатини кўрсатиш мумкин.

Иккинчидан, битимнинг бажарилишига кафолат берган (делькредере) ҳолларининг мавжуд бўлиши, яъни воситачи битимни ижро этилиши учун кафолат бериши ҳолларини кўрсатиш мумкин.

Қонун чиқарувчи томонидан назарда тутилган ҳолатлар мутлоқ ҳарактерга эга. Яъни, воситачини ушбу модда асосида масалан, учинчи шахслар томонидан битимни бажарилмаслигидан комитетнинг манфаатларини химоялаш чораларини таъминламаганлик учун жавобгарликка тортиб бўлмайди. Бироқ, бундай ҳаракатсизлик ўз зиммасига олган мажбуриятларни лозим даражада бажармаганлик учун заарларни қоплаш мажбуриятини келтириб чиқариши мумкин.

ФКнинг 434-моддасида, воситачи учинчи шахс билан тузган битимни учинчи шахс бажармаган тақдирда, воситачи бу ҳақда дарҳол комитетнга хабар бериши, зарур далил-исботларни тўплаши ва таъминлаши, шунингдек комитетнинг талабига кўра бундай битим юзасидан хукуқларни талабларни бошқа шахсга ўтказиш тўғрисидаги қоидаларга риоя қилган ҳолда унга топшириши шартлиги кўрсатилади. Ўзининг айбининг йўқлигини исботлаш мажбуриятни бузилишига йўл қўйган тараф зиммасига юкланади. Бу ерда қонунчилик томонидан шартнома шартлари бажарилмаган ҳолларда жавобгарликнинг мавжуд бўлишини белгилайди ва муайян маънода комитетнинг хукуқларини химоялаш позициясида тургандек кўринади. Бироқ, аслида ушбу чоранинг белгиланиши комитетда қонунчиликда назарда тутилган асосларда учинчи шахсга таъсир кўрсатиш имкониятига эга бўлишини таъминлайди. Асосийси, шартнома шартларини бажарилмаслигига воситачининг масъулиятсизликка йўл қўймаслиги, тегишли эҳтиёткорлик чораларини кўриб ҳаракат қилишига ундейди.

Воситачига комитетент томонидан мажбуриятларни бажариши учун муайян кафолатлар ҳам назарда тутилган. Хусусан, ФКнинг 838 - моддасига асосан, воситачи ФКнинг 290-моддасига мувофиқ ўз қўлида бўлган, комитеттга ёки комитетент кўрсатган шахсга топширилиши керак бўлган ашёларни воситачилик шартномаси бўйича ўз талабларини таъминлаш учун ушлаб туришга ҳақли. Кўрсатиб ўтилган ҳукуқлар воситачида бўлган комитетентнинг барча мулкларига тааллуқли. Бу мулклар комитетент томонидан учинчи шахс учун топширилиши лозим бўлган ёки учинчи шахсадан комитетент учун топширилган мулклар бўлиши мумкин. Мазкур муносабатларни тартибга солиш ФКнинг 290 ва 291-моддаларига мувофиқ амалга оширилади. Бу борадаги маҳсус нормада (ФКнинг 838-моддаси) комитетент ночор (банкрот) деб эълон қилинган тақдирда воситачининг мазкур ҳукуқи бекор қилинади, унинг ўзи ушлаб турган ашёлар қиймати доирасида комитетентга қўядиган талаблари ФКнинг 291-моддасига мувофиқ гаров билан таъминланган талаблар қаторида қаноатлантирилиши ҳақидаги қоидани белгилайди.

Бу борадаги яна бир кафолат ФКнинг 839 - моддасида белгиланган. Унга кўра, воситачи ФКнинг 343-моддасига мувофиқ воситачилик шартномаси бўйича ўзига тегишли бўлган суммаларни комитетент ҳисобидан ўзига тушган ҳамма суммалардан ушлаб қолишга ҳақли. Бироқ, комитетентнинг ўз талабларини қондириш навбати бўйича гаров сақловчилар олдида имтиёздан фойдаланадиган кредиторлари бу талабларни воситачи ушлаб қолган суммалардан қаноатлантириш ҳукуқидан маҳрум этилмайди.

С.В.Скороходовнинг фикрича, комитетентнинг кўрсатмаларидан четга чиқишилик воситачи учун жавобгарликни келтириб чиқаради. Россия Федерацияси Гражданлик кодексининг 995-моддаси 2,3-қисмида комитетентнинг кўрсатмаларидан унинг розилигисиз четга чиққанлик учун жавобгарлик белгиланган. Жавобгарлик эса, воситачиликнинг турига қараб яъни, сотиш ёки харид қилишликка қараб ўзгаради [10, Б.134]. Ҳақиқатан ҳам, Россия Федерацияси Гражданлик кодексининг 995-моддаси комитетентнинг кўрсатмаларидан четга чиқишилик ҳақида қоида белгиланган. Яъни, мол-мулкни комитетент билан келишилган нархдан арzon сотган воситачи мол-мулкни келишилган нархда сотиш имконига эга бўлмаганлигини ва арzon нархда сотиш натижасида яна ҳам кўпроқ заарнинг олди олингандигини исбот қилиб бермаса, орадаги фаркни комитетентга тўлаши шарт. Шунингдек, агар воситачи мол-мулкни комитетент билан келишилгандан юқорироқ нархда сотиб олган бўлса, бундай харидни қабул қилишни истамаган комитетент воситачидан учинчи шахс билан битим тузилганлиги ҳақида билдириш олганидан кейин оқилона муддатда бу ҳақда воситачига маълум қилиши шарт. Акс ҳолда харид комитетент томонидан қабул қилинган деб ҳисобланади.

Комитетентнинг кўрсатмаларидан четга чиқишилик ўзининг ҳукукий табиатига кўра жавобгарлик тури ҳисобланмайди. Воситачи комитетентнинг битим тузиш ҳақидаги топшириқларини бажармаганлик учун жавобгар ҳисобланади.

Тарихга назар ташлайдиган бўлсақ, Собиқ иттифоқ давридаги Гражданлик кодексида воситачининг учинчи шахс билан тузган битимиши бажармаганлиги учун жавобгарликни белгиловчи норма мавжуд бўлмаган. Бироқ, воситачининг зиммасига битимни ижро этиш мажбурияти юкланган эди.

Айрим муаллифлар томонидан учинчи шахс томонидан битимни ижро этилмаслиги деганда фақатгина ҳукуққа хилоф равища ижро этилмасликни тушуниш лозим. Агар учинчи шахс ўз мажбуриятларини ҳукуққа мос равища ижро этмаса, воситачининг жавобгарлиги вужудга келмайди, деб ҳисоблайди [11].

Юқоридаги фикрларга қўшилиш қийин, албатта. Чунки, воситачи ўз мажбуриятларини бажармаганлиги учун учинчи шахс ҳам ўз мажбуриятларини бажармасликка ҳаракат қилиши мумкин. Бунда табиий равища воситачининг жавобгарлик ҳолати юзага келади. Учинчи шахс эса, шартнома шартларини бузмасдан балки, воситачининг ҳаракатларига мутаносиб равища ўз мажбуриятларини ижро этмаётганлигини кўриш мумкин.

Шу ўринда табиий бир савол туғилади. Учинчи шахс билан тузилган битим бўйича воситачининг ўз мажбуриятларини бажармаганлиги учун жавобгарлик бўйича қилинган ҳаражатлар кимнинг зиммасида бўлади? Воситачилик шартномаси конструкциясида шартноманинг комитетент ҳисобидан тузилиши назарда тутилади. ФКнинг 840-моддасида комитетентнинг мол-мулки йўқолганлиги, этишмаслиги ёки шикастланганлиги учун воситачининг жавобгарлиги белгиланган бўлсада, воситачининг битим бўйича ўз мажбуриятларини бажармаганлиги учун жавобгарлиги эътибордан четда қолиб кетган ва бу борада қонунчиликда бўшлиқ вужудга келган. Шу сабабли воситачилик шартномасининг тартибга солувчи 48-бобнинг 434-моддаси 7-қисм сифатида

қуидаги нормани киритиш мақсадга мувофиқ: «Учинчи шахс билан тузилган битим бүйича воситачи ўз мажбуриятларини бажармаганлиги учун қилинган чиқим ва ҳаражатларни қоплашга мажбур».

Воситачи ва комитеттің ўртасидаги ҳуқуқий муносабат таҳлили шуни күрсатады, воситачи қуидаги ҳолларда жавобгарлығы мавжуд бўлади:

- А) комитеттинг мол-мулки йўқолгандиги;
- Б) комитеттинг мол-мулки етишмаслиги;
- В) комитеттинг мол-мулки шикастланганлиги (ФКнинг 840-моддаси).

Собиқ Иттифоқ даврида тадбиркорлик фаолияти учун ҳеч қандай ҳуқуқий имконият, шартшароитлар мавжуд эмас эди. Чунки, бу даврда ишбилармонлик туйгулари қадрланмас эди. Бу даврда амалга оширилган тадқиқотларда эса, воситачи шартнома нарсасини йўқотганда ёки унга бирон бир тарзда шикаст етказилганда воситачининг айбидан қатъий назар жавобгарлик мавжуд бўлади [12, Б.11].

Айрим муаллифлар воситачи фақатгина ўзининг айби учун жавобгар бўлиши лозим. Шу сабабли йўқотилиши ёки шикастланиш барча чораларни қўрилишига қарамасдан содир бўлиши ва бунда унинг қасди ҳамда қўпол эҳтиётсизлиги мавжуд бўлмаса у жавобгарликдан озод этилиши лозим [13, Б. 185]. Бошқа муаллифлар эса, жавобгарлик шартларини воситачининг тадбиркор сифатида иштирок этаётганлигига қараб ажратиш (дифференциялаш) лозим деб ҳисоблайди [14, Б.569]. Бу фикрга тўлиқ кўшилиб бўлмайди. Чунки, воситачилик шартномаси ҳақ эвазига битим тузишни тақазо этади. Шу сабабли воситачилик орқали муайян даражада фойда олишни мақсад қиласди. Бундан кўринадики, воситачилик шартномаси сўзсиз ҳақ эвазига тузилади ва воситачининг муайян даражада фойда олишини таъминлайди.

Юқоридаги фикрларга С.В.Скороходов бошқача нуқтаи назар билан ёндошишни таклиф этади. У ўз фикрига асос қилиб, воситачилик шартномаси бўйича жавобгарлик чегарасини аниқлашда омонат сақлаш ҳақидаги қоидаларга таяниш лозим деб ҳисоблайди [10, Б.152]. Унга мувофиқ, профессионал бўлмаган омонат сақловчи ўзига топширилган мол-мулкни йўқолгандиги ёки шикастланганлиги сабабли мажбуриятларни бузганлик учун жавобгарликнинг умумий асосларида (омонат сақловчи сақлаш учун қабул қилинган ашё йўқолганлиги, кам чиққанлиги ёки шикастланганлиги учун Фукаролик Кодексининг 333-моддасида назарда тутилган асосларга кўра жавобгар бўлади) профессионал омонат сақловчи эса, ашёнинг йўқолиши, кам чиқиши ёки шикастланиши:

енгиб бўлмас куч таъсири оқибатида;

ашёнинг уни сақлаш учун қабул қилиш чогида омонат сақловчи билмаган ва билиши шарт бўлмаган яширин хоссалари туфайли;

сақланаётган ашёнинг йўқолганлиги, кам чиққанлиги ёки шикастланганлиги юк топширувчининг қасдан қилганлиги ёки қўпол эҳтиётсизлиги натижасида юз берганлигини исботламаса жавобгар бўлади.

Ҳуқуқни қўллаш амалиётида шартномаларни ҳақиқий эмас деб топиш ҳоллари ҳам учраб туради. Шу ўринда воситачилик шартномасини ҳақиқий эмас деб топишнинг ҳуқуқий оқибатларини ҳақида тўхталиб ўтиш ўринли бўлар эди. Воситачи учинчи шахслар билан боғлиқ муносабатларда ҳуқуқ ва мажбуриятлар соҳиби сифатида иштирок этади. Бинобарин, воситачилик шартномасини ҳақиқий эмас деб топиш, воситачилик шартномаси ижросини таъминлаш бўйича тузилган битимни ҳақиқий эмаслигига олиб келмаслиги лозим. Воситачилик шартномасини ҳақиқий эмас деб топиш тузилган битим бўйича ҳуқуқ ва мажбуриятлар ҳажмини, унинг мазмунига таъсир этмасдан воситачи ва комитеттің ўртасидаги муносабатларга даҳлдор бўлади. Шунингдек, битимда иштирок этувчи учинчи шахслар манфаатларига мос келади. Мазкур қоида ФКнинг 114-моддасидаги ҳақиқий бўлмаган битим унинг ҳақиқий эмаслигига билан боғлиқ бўлган оқибатлардан ташқари бошқа юридик оқибатларга олиб келмаслиги ҳақидаги қоидага ҳам мос келади.

Бу ўринда, бошқа бир ҳолатни ҳам назардан четда қолдирмаслик лозим. Воситачилик шартномасини ҳақиқий эмас деб топилганда, воситачилик шартномаси ижросини таъминлаш бўйича тузилган битим кимлар учун амалда бўлади? Масала бир мунча оддий. Воситачилик шартномаси ҳақидаги нормаларнинг мукаммаллиги бу муносабат иштирокчилари ўртасидаги муносабатларнинг ривожланишига, уларнинг ҳуқуқ ва манфаатларини таъминлашда ёрдам беради. Демак, воситачилик шартномаси ҳақиқий эмас деб топилганда, воситачи билан тузилган битим комитетт ҳисобидан эмас балки, ўз номидан тузилган деб топилади.

Амалдаги Фуқаролик кодексининг умумий қисмида битим тузиш, ижро қилиш, ўзгартириш ва бекор қилиш билан боғлиқ муносабатларни тартибга солувчи умумий конструктив қоидалар мужассамланган. Жумладан, воситачилик шартномасини ҳақиқий эмас деб топиш, воситачилик шартномаси ижросини таъминлаш бўйича тузилган битимни ўз кучида қолиши ФКнинг 128-моддасида мавжуд бўлган битимнинг бир қисми ҳақиқий саналмаслиги битимга ҳақиқий саналмаган қисм кўшилмаса хам у тузилган бўлар эди, деб тахмин қилиш мумкин бўлса, унинг бошқа қисмларининг ҳақиқий саналмаслигига сабаб бўлмаслиги ҳақидаги қоидани қўллаш мақсадга мувофиқдир.

Воситалик шартномасини бузганлик учун фуқаролик ҳуқуқий жавобгарлик муаммоларини тахлил этиш ва амалдаги қонун хужжатларини такомиллаштириш юзасидан қуйидаги хulosаларга келиш мумкин:

Биринчидан, амалдаги ФКга воситачилик шартномасининг тартибга солувчи 48-боби 434-моддасининг 7-қисми сифатида қуйидаги: «Учинчи шахс билан тузилган битим бўйича воситачи ўз мажбуриятларини бажармаганлиги учун қилинган чиқим ва ҳаражатларни қоплашга мажбур», деган нормани киритиш лозим.

Иккинчидан, воситачилик шартномаси воситачилик топшириғига нафакат битим тузишни балки, учинчи шахс билан тузилган битимни ижро этишни назарда тутади. Шу сабабли ФКнинг 834-моддасига «Воситачи учинчи шахс билан тузган битимни бажармаганлиги ёки лозим даражада бажармаганлиги учун жавобгар бўлади. Воситачи томонидан учинчи шахслар билан тузган битимни бажармаганлиги муносабати билан қилинган ҳаражатлар воситачи ҳисобидан қопланади», деган нормани киритиш мақсадга мувофиқдир.

Учинчидан, воситачилик шартномаси ривожланган мамлакатлар ҳуқуқий тизимида тадбиркорлик муносабатларида кенг фойдаланиладиган шартнома сифатида характерланиб, халқаро ва ички савдо муносабатларида кенг қўлланилиб келинмоқда. Ҳозирги кунга қадар фуқаролик қонунчилигига воситачилик шартномасини қўллашда бир қатор муаммолар ўз ечимини топмаганлигидан далолат беради. Жумладан, воситачилик муносабатлари, воситачилик шартномаси предмети, обьекти, мулк ҳуқукининг вужудга келиши, воситачилик топшириғини бажариш вақти, битимнинг тузилган вақти, воситачилик шартномасини ҳақиқий эмас деб топиш оқибатлари, воситачиликнинг бозор муносабатлари тизимида тадбиркорлик фаолияти сифатида ўзига хос хусусиятлари каби масалалар ўзининг аниқ ҳуқуқий ечимини топмаган. Бу эса бозор иқтисодиёти шароитида воситачилик шартномасини такомиллаштириш хамда замонавий фуқаролик ҳуқуқининг бу борадаги қарашлари ва ёндашувларини ўзгартириш зарурияти юзага келаётганлигидан далолат беради.

Юқоридаги ҳолатлар воситачилик муносабатларини цивилистика фани томонидан ҳар жихатдан ва атрофлича илмий тадқиқ этиш зарурати мавжудлигини англатади. Воситачилик шартномасини ҳар томонлама назарий ва амалий жихатдан ўрганиш ва воситачилик шартномасининг турлари тўғрисида илмий асосланган назарий хulosалар ишлаб чиқиш воситачилик муносабатларининг фуқаролик ҳуқуқий асосларини мустаҳкамлашга замин яратади.

Иқтибослар/Сноски/References

1. Ўзбекистон Республикаси Президентининг «Ўзбекистон Республикасининг фуқаролик қонунчилигини такомиллаштириш чора-тадбирлари тўғрисида»ги Фармойиши. 06.04.2019 й. // <https://lex.uz/docs/4272621>
2. Нарматов Н.С. Хизмат кўрсатиш соҳасида тадбиркорлик фаолиятини тартибга солиш муаммолари.-Тошкент: Ўзбекистон Республикаси Президенти хузуридаги АҚҲМИ, 2009. - 89 б. (Normatov N.S. «Problems of business regulation in the service sector»).
3. Мўминов Т.А. Ҳақ эвазига хизмат кўрсатишнинг фуқаролик-ҳуқуқий муаммолари. Юрид. фан. номз. дис...Автореф. -2006. -3 б. (Muminov T.A. «Civil law issues of fee for service»)
4. Иоффе О. Ответственность по советскому гражданскому праву. -ЛГУ, 1955. -7-8 с. (Ioffe O. «Liability under Soviet Civil law»)
5. Гражданское право. Ч.1. 1993. -172-173 б.; Гражданское право. Особенная часть. Т.: ТГЮИ, 2009, -57 б. (Civil law. Part I. Civil law. Special part)
6. Брагинский М., Витрянский В. Договорное право. Общие положения. -М.: Статут, 1997. 699-770 с. (Braginsky.M and Vitransky.V «Contract law. General Provisions»)

7. Гражданское право. Особенная часть. -Т.: ТГЮИ, 2009.-56 с. (Civil law. Main Part.)
8. Анваров Н. Биржа битимлари. Магистрлик дисс. -Тошкент.: ТДЮИ, 2009. - 73 б. (Anvarov.N «Exchange operations. Master`s degree dissertation.»)
9. Қўлдошев Х. Биржа битимлари ҳуқуқий асосларини такомиллаштиришнинг назарий ва амалий томонлари. Т.: ТДЮИ, 2010. 122 б. (Kuldoshev X. «Theoretical and practical aspects of improving the legal framework of exchange transactions»)
10. Скороходов Сергей Викторович. Договор комиссии по законодательству РФ и практика его применения в предпринимательской деятельности [Электронный ресурс]: Дис. ... канд. юрид. наук : 12.00.03 .-М.: РГБ. 2003. application in business»).
11. Егоров А.В. Ответственность комиссионера за неисполнение сделки третьим лицом. // Закон. 2001. №12. (Yegorov A.V. Law. «Liability of the commission agent for non-performance of the transaction by a third party»).
12. Красавчиков О.А., Якушев В.С. Договор комиссии по советскому гражданскому праву. Свердловск. 1957. (Krasavchikov O.V. and Yakushev V.S. «Soviet Civil law: Commission Agreement»).
13. Ландкоф, С.Н. Торговые сделки: теория и практика / С.Н. Ландкоф. – Харьков : Юридическое издательство НКО УССР, 1929. – 272 с. – Режим доступа: по подписке. – URL: <https://biblioclub.ru/index.php?page=book&id=236089> (дата обращения: 30.04.2021). – ISBN 978-5-4458-9378-3.
14. Гражданское право. Учебник. Часть 2. Под ред. А.П. Сергеева, Ю.К. Толстого. (editors: Sergeev A.P. and Tolstov Yu.K. Textbook: Civil law. Part II).